

Erindi til sveitastjórnar Múlaþings

v/ niðurrifs brúar við Gilsá í Skriðdal

Þessa dagana stendur yfir bygging á glæsilegri nýrri brú yfir Gilsá í Skriðdal, sem sannarlega var kominn tími til að endurnýja vegna umferðaröryggis. Mér hefur borist það til eyra að það eigi að rífa gömlu brúnnu sem situr nokkra tugi metra neðar í giliinu.

Mig langaði að koma með hugmynd til sveitastjórnar um hvort ekki væri sniðugt að láta gömlu brúnnu standa í stað þess að eyða umtalsverðum peningum í niðurrif með tilheyrandi raski á giliinu. Örlítið neðar í giliinu stendur svo einnig þriðja brúin, og sú elsta yfir Gilsá og þarna myndu því standa þrjár brýr með stuttu millibili sem sannarlega segja sögu brúarmannvirkja á Íslandi. Ég hef ferðast mikið um landið og man ekki til þess að hafa séð þrjár brýr standa með svona stuttu millibili yfir sömu ána.

Í undirbúningi nýjustu brúarinnar yfir Gilsá var gerð forleifaskráning vegna breytts vegstæðis og þar kemur fram að elsta brúin hefur mikið sögulegt gildi og er það sem kallað er minjabrú. Brúin sem nú á að rífa er byggð árið 1957 og því orðin 65 ára gömul.

Gilið við Gilsá er einstaklega fallegt og gaman að skoða og sé ég fyrir mér að þarna væri hægt að gera áningarplan þar sem fólk gæti stoppað og skyggnist inni sögu brúarmannvirkja með upplýsingaskiltum sem jafnvel yrðu sett þar upp.

Á þessum slóðum er einnig upphaf mjög vinsælla gönguleiða, bæði á Höttinn (Hátúnahött) sem er fyrir mörgum einkennisfjall Fljótsdalshéraðs og svo í Hjalpleysu, en þar gerist að hluta mjög þekkt þjóðasaga um Valtýi á grænni treyju. Áningarplan gæti því einnig nýst útivistarfólki afar vel. Þarna eru einnig hreppamörk gömlu Vallahrepps og Skriðdalshrepps.

Grímsárvirkjun stendur svo að sjálfsögðu enn neðar, við mót Gilsár og Múlaár, en þangað er einnig gaman að koma og gæti vakið áhugafólks sem stoppar á plani við Gilsárbrú.

Það er því mín einlæga ósk að sveitarstjórn skoði þetta mál af opnum hug og beiti sér í framhaldinu fyrir því við Vegagerðina að í stað þess að eyða peningum í niðurrif brúarinnar að þarna verði frekar byggður upp skemmtilegur áningarstaður fyrir heimafólk og ferðalanga.

Virðingarfyllt,

Agnar Eiríksson

Brekkubrún 7

Fellabæ